

Ydy'n beth da neu ddrwg i blant awtistig glywed neu siarad mwy nag un iaith?

Ydy tyfu i fyny gyda mwy nag un iaith yn drysu plant awtistig?

Nac ydy, dydy hi ddim yn eu drysu.

Ydy dwyieithrwydd yn gwneud dysgu'r ddwy iaith yn fwy anodd?

Nac ydy, dydy e ddim. Gall plant awtistig brofi problemau gydag ieithoedd, ond gallan nhw ddysgu mwy nag un iaith er hynny. Efallai bydd yn cymryd mwy o amser, ond mae hyn yn gyffredin ar gyfer pob plentyn dwyieithog.

Beth os dydy fy mhlentyn ddim yn siarad?

Hyd yn oed os dydy eich plentyn ddim yn siarad, gallan nhw ddeall mwy nag un iaith. Mae'n bosibl bod deall iaith yn anodd i'ch plentyn hefyd, ond fydd siarad â'ch plentyn mewn mwy nag un iaith ddim yn newid faint maen nhw'n gallu siarad neu ddeall. Fydd siarad â'ch plentyn mewn mwy nag un iaith ddim yn ei niweidio.

Ddylwn i stopio siarad yn fy iaith fy hun a defnyddio Saesneg yn ei lle?


Na ddylech, siaradwch yn yr iaith sy'n fwy cyfforddus i chi. Mae ymchwil yn dangos mai hyn yw'r peth gorau ar gyfer rhieni a phlant.

Ydy tyfu i fyny gyda dwy iaith yn ei gwneud hi'n fwy anodd i fy mhlentyn ddysgu a deall pethau?

Nac ydy, dydy tyfu i fyny gyda mwy nag un iaith ddim yn ddrwg i sgiliau meddwl a dysgu eich plentyn.

Oes pethau da o ran tyfu i fyny gyda mwy nag un iaith ar gyfer fy mhlentyn awtistig?

Oes, llawer o bethau da! Bydd eich iaith yn helpu eich plentyn i gysylltu â'u teulu a'r gymuned. Hefyd, mae'n gallu bod yn beth da ar gyfer eu bywyd yn y dyfodol. Mae deall mwy nag un iaith yn helpu pobl i ddeall pobl eraill, cael mynediad at hobiau a diddordebau newydd, a chael swyddi.



Dydy tyfu i fyny gyda mwy nag un iaith ddim yn beth drwg i blant awtistig.

Mae'n gallu cael effaith dda ar lawer o bethau yn eu bywyd: bod yn rhan o gymuned, dysgu pethau newydd a chael mwy o gyfleoedd.



Mae tyfu i fyny gyda mwy nag un iaith mor dda i bobl awtistig ag y mae i bawb eraill.

Os ydych chi'n dewis siarad â'ch plentyn awtistig yn eich iaith eich hun, dydych chi ddim yn gwneud unrhyw beth yn anghywir.

Un iaith neu ddwy, dewiswch beth sy'n well i'ch teulu.